

省志輯·陝西

中國地方志集成

民國續修陝西通志稿(三)

中國地方志集成

省志輯·陝西 ⑦

民國續修陝西通志稿(三)

鳳凰出版社●上海書店●巴蜀書社

圖書在版編目(CIP)數據

中國地方志集成. 省志輯. 陝西 / 鳳凰出版社編
— 南京 : 鳳凰出版社, 2011. 3
ISBN 978-7-5506-0275-5

I. ①中… II. ①鳳… III. ①中國—地方志②陝西省—地方志 IV. ①K29

中國版本圖書館CIP數據核字(2011)第036129號


中國地方志集成·省志輯·陝西

著 作 者 本社 編選
責任編輯 王 劍 薛 飛
封面設計 范一辛

出版發行 鳳凰出版傳媒集團
鳳凰出版社(原江蘇古籍出版社)
南京市中央路 165 號 郵編 210009
發行部電話 025—83223462
集團網址 鳳凰出版傳媒網 <http://www.ppm.cn>

印 刷 金壇市古籍印刷廠有限公司
江蘇省金壇市晨風路 186 號 郵編 213200
開 本 787×1092 毫米 1/16
印 張 413.5
版 次 2011 年 3 月第 1 版 2011 年 3 月第 1 次印刷
標準書號 ISBN 978-7-5506-0275-5
定 價 4200.00 圓 (全九冊)

(本書凡印裝錯誤可向承印廠調換,電話:0519—82338389)



民國續修陝西通志稿(三)



楊虎城
邵力子
宋伯魯
吳廷錫

纂修

目錄

第一冊

雍正陝西通志(一)

第二冊

雍正陝西通志(二)

第三冊

雍正陝西通志(三)

第四冊

雍正陝西通志(四)

第五冊

民國續修陝西通志稿(一)

第六冊

民國續修陝西通志稿(二)

第七冊

民國續修陝西通志稿(三)

第八冊

民國續修陝西通志稿(四)

第九冊

民國續修陝西通志稿(五)

續修陝西通志稿卷八十五

人物十二

流寓

流寓之名昉於後漢書廉范傳而秦中之有流寓則自春秋戰國始左傳士會自晉奔秦晉人召之還秦歸其孥其處者爲劉氏此仕人之流寓在陝者也史記孔子既沒子夏居西河教授老爲魏文侯師水經注載夏陽三梁山水際有二石室爲子夏教授地此學人之流寓在陝者也若夫百里奚虞人也以五段賈秦鄭國韓人也以水工至秦韓非子且以韓公子著說難遊秦此又農商名法家之流寓在陝者也至若漢初徙齊諸田楚昭屈景諸大姓以實關中爲強幹弱支計而李斯以客卿登用始皇資以取六國定天下此其人或國家倚以爲用或游說干時冀行所學名之曰

續陝西通志稿

卷八十五

人物十二

一

客可矣與上所稱流寓云者蓋猶有間也元明及清一統志皆有流寓一門纂省志者沿之清代順康間崑山顧亭林炎武買田華下且卜宅以居與王山史宏撰李子德因篤友善說者謂河潼一域有傳顧氏之學者蓋縣李剛主堪雅正時來遊關中居富平數載以理學教授如陳光陸等皆從受業由是關學派又有李氏之學皆清初流寓之最著者也乾嘉以還若戴敬咸祖敬之述義理蔣子瀟湘南之研經學張介侯澍之擅考據楊蓉裳芳燦之富文藻董方立祐誠之通歷算顧雲菴森之燭政法並皆久客秦川聲譽流播同光之際王孝鳳家璧屠梅君仁守齋主關中講席風節道義推重當時尤寓公之矯矯者矣昔戰國末淮陽爲楚都荀卿居之浮邱伯李斯輩咸從之遊張子房亦亟往學禮唐代東都之廬四方耆賢攸聚不獨石溫兩處士而已關西山川雄秀風俗敦

龐材木竹箭之豐饒農桑水泉之利賴學派接乎嵩陽形勝甲於天下彼淮陽東都殆有不足比擬者以故留羈旅之蹤悅孤特之性尋河洛之道脈習郛岐之農功天地奧區流連不置豈惟建都舊地久聚五方西北上游足控四表爲賢俊豪俠之樂於托足者哉撮而錄之得二十三人藉以重羈遊而昭故實云爾

顧炎武本名絳後改今名字寧人江蘇崑山縣人學者稱爲亭林先生炎武生而雙瞳子中白邊黑見者異之讀書一目十行性耿介絕不與世人交獨與里中歸莊善同遊復社相傳有歸奇顧怪之目母王氏養炎武於襁褓中卒時遺言後人勿事二姓炎武屢謁明陵有志興復清順治時復北闕莊烈憤宮由太原大同以入關中康熙甲辰與富平李因篤同謁攢宮爲文以祭往代州壑田自是往還河北諸邊塞者凡十年丁巳五謁思陵復西入潼關始

續陝西通志稿

卷八十五

人物十二

二

卜居陝之華陰初炎武徧遊四方謂秦人慕經學重處士持清議實他邦所少而華陰綰緱關河之口雖足不出戶能見天下之人聞天下之事有警入山守險不過十里之遙若志在四方一出關門亦有建瓴之便遂定居焉王宏撰華陰人也築齋延之炎武置田五十畝於華下供晨夕而東西開墾所入別貯之以備有事之用又餌沙苑蒺藜而甘之曰啖此久不肉不茗可也炎武生平兩至秦中盡交關輔通博士如李顥王建常康乃心王山史王仲復諸人而李因篤於山西五臺相識交遊尤密後脫炎武於山左獄者即因篤之力也其始遊秦在康熙二年時五十一及康熙十六年丁巳再入關中則年已六十有五矣晚年精研六經居華陰時有請講學者謝曰近日二曲以講學得名遂招迫迫幾致不測雖曰威武不屈然而名之爲累則已甚矣況東林覆轍有進於此者

乎有求文者告之曰文不關於經術政事者不足爲也韓文公起八代之衰若但作原道諫佛骨表平淮西碑張中丞傳後序而一切諛墓之文不作豈不誠山斗乎其致毛錦衡書曰比在關中略仿橫渠藍田之意以禮爲教夫子嘗言博學於文約之以禮而劉康公云民受天地之中以生所謂命也是以有動作禮義威儀之節以定命也然則君子之爲學將以修身將以立命含禮何由哉吾見近來講學之師專以聚徒立幟爲心而其教不肅故欲反其所爲衡詩言武公之德曰瑟兮僖兮雖不能至然心嚮往之倘有如阮籍之徒猖狂妄行而疾禮法爲仇讐者則亦任之而已炎武雖買田華下然不常厥居時往來汾絳嵩洛之間二十一年正月九日卒於山西曲沃之下坡韓村宜園其從弟嚴自崑山來偕嗣子衍生扶柩歸葬道光二十一年入祀崑山鄉賢祠光緒三十三年

續陝西通志稿

卷八十五 人物十二

三

年御史趙汝霖奏請以炎武從祀孔庭議上奉特旨顧炎武准其從祀文廟阮元撰清史儒林傳以炎武列首炎武之學主於歛華就實救弊扶衰凡國家典制郡邑掌故天文儀象河漕兵農之屬莫不窮究原委考正得失而又廣交賢豪長者虛懷商榷不自滿假撰天下郡國利病書一百二十卷歷覽諸史圖經實錄文編說部之類皆取其關於民生利弊者且周流西北歷二十年其書始成別有肇域志一編則考索之餘合圖經而成者精韻學撰音樂五書又撰金石文字記求古錄與經史相證而日知錄三十二卷尤爲終身精詣之書蓋積三十餘年而後成凡經史吏治財賦典禮藝文之類皆疏通證明之又以杜預左傳集解時有缺失作杜解補正三卷其他著作有石經考二十一史年表歷代帝王宅京記亭林文集詩集營平二州地名記昌平山水記山東考古錄

滿觚菰中隨筆教文格論等書並有補於學術世道葬母出遊歷遭艱險所至以二騾二馬載書遇邊塞亭障呼老卒詢曲折與平日所聞不合即於坊肆中發書對勘或平原大野則於鞍上默誦諸經注疏在華陰與王宏撰等於雲臺觀側建朱子祠康熙間詔舉博學鴻儒科又修明史大臣爭薦之並辭未赴卒後吳江潘來叙其遺書行世

李堪字剛主直隸蠡縣人康熙庚午科舉人選通州學正居官八十餘日以病告歸父明性前明諸生入清朝不與試以孝行旌與博野顏元善見其所輯性理諸書深歎服焉卒年六十九堪弱冠學禮於顏元又學琴於張而素學射於趙思光學數於劉見田學書於彭通學兵法於王餘祐於田賦祿昭郊社宗廟諸大典靡不研究拮據史志所載經史大畧爲纂志編以備用既而深服元六

續陝西通志稿

卷八十五 人物十二

四

藝之教遂執贊稱弟子其至陝西也以友人楊勣知富平縣邀堪往雍正己丑五月抵富勣迎之入署待堪以師禮對同僚士民言皆稱師堪辭且以人忌屢辭出遊勣堅留之堪語勣曰勿喜而喜勿怒而怒勿有事而有事因語勣選鄉保練民兵旌孝弟重學校開水利諸政庚寅至西安晤參領馬呈圖總督筆帖式郭鼎三鼎三曰讀顏先生書及李子書聖道如日月當前矣堪有留別長安諸子書答曰顏先生語曰千萬人中不見有己千萬人中不忘有己然見己亦忘己也學者果能卓然奮立以我爲天下萬世不可少之人無窮無達致和致中自刻刻性命作主自不與槍父鬪主露角故曰見己亦忘己也堪兩至陝右實因佐楊勣縣治而來前後凡三載餘治理繁劇整齊禮俗葺月之間政化大行聲譽益廣陝士皆接請益者無虛日道藝交修意氣新合如陳光陸之學易

魯登闕之學樂蔡麟之學兵張中之學治平極一時人物之盛而關中名士先此與堪交遊者三原則有員震生李輯五溫德裕富平則有陳子章華州則有古季榮或朝夕過從或擔簦請業宜乎鄒魯流風徧被關隴堪嘗與諸人論學檢其各有進境也喜曰吾道其遂興乎尋由秦歸里安溪李文貞公聞其學行招之不往已而諸王交聘皆避去晚交桐城方侍郎苞苞與堪所學不同而志相得其遊如家人時有謗堪者苞釋之爲作釋言苞嘗以程朱之學規堪堪雖引以自責然不能革也堪嘗游浙遂之蕭山學樂於毛奇齡盡得其舊所傳五聲二變四清七始九歌十二律諸遺法並受其經學時與往復論易辨太極圖河洛之僞論尙書辨攻古文爲僞之誤論詩言小序不可廢奇齡稱爲蓋世一人後遊京師交鄭萬斯同斯同見所著大學辨業爲之序堪學出於顏元時稱

續陝西通志稿

卷八十五

人物十二

五

顏李然堪廣交遊其學務以實用爲主惟自命太高於程朱講習陸王證悟皆謂之空談蓋自明季心學盛行儒禪淆雜其曲謹者反闕於事情沿及清初猶存餘說故元及堪獨力以務實相爭存其說可補諸儒枵腹高談之弊云堪性至孝父歿踰踊痛絕三日不食斂葬虞祭皆如禮雍正十一年卒年七十有五著有周易傳注七卷筮考一卷郊社考辨一卷論語傳注二卷大學傳注一卷中庸傳注一卷傳注問一卷李氏學樂錄二卷大學辨業四卷聖經學規纂二卷論語二卷小學稽業五卷擬太平策七卷閩史都視五卷恕谷後集十三卷宣統間富平張鵬一輯顏李學考述堪學行甚詳可以知堪之傳學三秦迄今未艾矣

戴祖敬字敬咸江蘇上元縣人弱冠潛心經義有志儒者體用之

學與族人震同舉於鄉時有二戴之目四庫館開大學士于文襄公屬震召祖敬祖敬辭不往畢尙書沅撫陝聘主關中書院隨材善誘安西迪化諸州來學者踵接沅奏於朝稱祖敬學術純正訓迪有方六年後有成效乞格外獎用乾隆戊戌成進士復還關中逾年沅復奏薦召見試四書文一篇奉旨以國子監學正學錄用祖敬居秦中日久熟關隴掌故所輯陝甘資政錄一書於政治典章山川風土敘述詳備後來修陝西郡縣圖經者多引用焉乾隆四十八年卒年五十九祖敬制行廉靜教人以孝弟爲先尤專力於經其治春秋統以五事一曰常文以定體二曰變文以別嫌三曰互文以通義四曰便文以修辭五曰闕文以慎疑著春秋測義十二卷其治尙書謂吳草廬後學者咸力攻古文其實考之古注及經傳子史正義中三十三篇與伏生所授不過古今文字小異

續陝西通志稿

卷八十五

人物十二

六

而究不失大同先著尙書協義八卷經文既定復兼綜衆說斷以己意著尙書涉傳十六卷曰涉傳者取馬遷語也同里嚴長明稱二書謹嚴有義法其道根於堯倫秩敘其義資乎天下國家云他著有史記協義十六卷道德經解一卷師華山房文集六卷陝甘資政錄若干卷

嚴長明字道甫

一字冬友

江蘇江甯縣人幼有奇慧年十一李侍

耶級典試江南隨舉子夏命對即應聲曰亥唐級大奇之謂方侍郎苞曰國器也可善視之遂從苞受業尋假館揚州馬氏盡讀其藏書高宗南巡以諸生獻賦召試賜舉人授內閣中書入直軍機處在職七年通古今工奏牘大學士劉統勳奇其才擢侍讀長明治事衆中獨勤辦然以是頗見嫉後連遭父母喪遂不復出嘗語學者曰士不周覽古今載籍不遍交海內賢俊不通知當代典章

遠欲握筆撰述縱使信今亦難傳後其自命如此畢尙書沉巡撫陝西招至官齋爲文字交且爲代定奏辭因得遊太華終南之勝詩文益奇縱所得金石刻益富在秦中十載撰次西安府志八十卷漢中府志四十卷皆詳贍有法晚歲南歸爲廬江書院院長以乾隆五十二年八月卒於合肥嘗爲平定準噶爾方畧通鑑輯覽一統志熱河志四書纂修官其自爲之書曰歸求草堂詩文集及論辨經史書算文藝金石文字者凡二十餘種爲卷百餘子二曰觀曰普觀字子進長明藏書觀丹黃幾滿嘗以元和志今有闕佚取唐書及通典補之孫星衍爲附刊李書之後今所行本是也

本傳參看歐陽修及西漢志

顧森字廷培一字錦柏號雲菴江蘇長洲縣人顧氏爲吳中望族累葉簪纓父鶴澗隱居鄧尉別墅詩酒自娛不事家人業沒後生續陝西通志稿卷八十五人物十二

七

計日蹙森奉其母居別墅旋爲通主拆去遂貧無立錫因奉母挈弟遷居蘇城宗祠中廢學入市屢覓微利母憂其弟不讀書森乃呼弟前而泣以告曰吾家世習書史我不幸幼孤而家貧汝正當自勵何遊蕩以爲母憂今與汝約汝但閉戶讀書有所需兄當任之時弟年十三四足不履戶者三年遂以能文名得列仕籍森亦從事史館除涿州吏目迎母就養居官剛直凡民有利濟事竭力赴之三年放滿引見得旨回任候陞旋坐事免入關居耀州入潼商道屠公幕畢尙書按察陝西用中表誼招至省屬諸同官王令尋入鄂縣袁令幕繼又之同官終焉森老而好學工詩詞嘗演回春夢傳奇以自況兄某官京師以目疾解組歸貧甚森不遠數千里分館穀以濟之其篤於友于如此所著書除詩鈔三卷詩餘一卷外尙有天文地理鈔二十八卷雜俎一卷見聞新集四卷古臺

記畧一卷旗亭集一卷樂府沿革二卷詩人姓名籍貫一卷陝甘志畧六卷醫書選擇八卷奇門靈飛六甲星象占驗風雨書共一百卷皆鈔本未刊其已刻者僅雲菴遺稿二卷云

楊芳燦字蓉裳江蘇金匱縣人工詩文由拔貢應廷試得知縣補甘肅伏羌縣回民田五爲亂起石峯堡縣民馬稱驥應之未發芳燦先期募鄉勇設防會馬應龍以賊謀告芳燦立捕殺稱驥賊遽至與應龍等登陣守五日圍解以功擢知靈州尋入貲爲戶部員外郎與修會典公餘擁書縱讀益務記覽爲詞章尤工駢體嘗語其友新城陳用光曰色不欲其麗氣不欲其縱沈博奧衍斯駢體之能事也詩則取法於工部王溪間填詞亦兼有夢窗竹山之妙丁母憂貧甚鬻書以歸主衡杭講席尋入秦爲關中書院院長數續陝西通志稿卷八十五人物十二

八

年嘉慶庚午諸生捷秋榜者二十二人一時稱盛集中中秋懷故人詩有勞人自歎周南滯飛蓋西園憶上才可爲芳燦久留秦中之證又有貽朱虛舟方伯四律虛舟朱勳字任陝西布政使芳燦是時爲關中院長蓋已老矣以修四川通志又移主錦江書院嘉慶二十年卒於蜀年六十三著有眞率齋稿十二卷芙蓉山館詩詞稿十四卷駢體文八卷

清史文苑本傳詩餘

陸耀通字少文江蘇陽湖縣人爲陸繼輅從子縣學生詩醴醲深至少與繼輅齊名人稱二陸遇事侃侃無所疑畏豪筆遨遊九長尺牘旅閩中最久鄉人莊達吉以知縣陝西歷任咸陽大荔藍田咸寧潼關耀通實與偕行所著雙白燕堂駢體文代方維甸朱勳常明擬謝摺甚夥皆在嘉慶中年客朱勳幕時會教匪反滑縣

陝甘總督那彥成奉命馳豫剿賊過長安求士於朱朱言耀通知

兵事即請見爲陳機宜緩急數十事因屬具草以上多見施行道光元年舉孝廉方正試二等以教諭用選授阜寧縣教諭之任百日卒年六十三集中有爲華陰報壽婦楊雒氏百歲文在嘉慶二十二年丁丑計藏遊關輔者已十八年矣性嗜金石文字隨所至搜集摹拓暇即伏案考證成金石續編四卷補青浦王和所未備他著有雙白燕堂詩文集十六卷

出校本無書名

周爲漢字嶠東一字劉雲浙江浦江縣人性孝友少有異稟於書無所不讀喜爲駢儷之文而尤長於詩嘗遊關隴間所至交其賢佛達官長者亦聞其才而引譽之顧以耿介傲睨罕諧於俗屢赴秋闈不售以親老援例爲縣主簿非其所好故終身未嘗謁選父能珂任甘肅山丹縣知縣卒於官爲漢銜恤交代公私皆理奉喪至西安母丁氏復歿哀毀甚遂得痼疾既以貧不能歸因遊幕關續陝西通志稿卷八十五人物十二

九一

九一

中乃先人於長安時其兄心如補官廣西迎爲漢之官所爲漢固多病速思骨肉力疾就道卒於武昌時嘉慶十七年十一月也年三十有九娶馬氏先一年卒無子以兄子仲芳爲嗣尋歸葬長安塔坡里先塋之側其配耐爲漢爲詩幼尙宏麗長乃縉鑿險峻鈎章棘句骯髒而激昂自流寓長安六七年中沈頓牢愁歸乎忠懇其言有見道者哀集所遺約得二十卷文辭雜著凡若干卷惟枕善齋詩初稿八卷已刊行爲漢好藏書籍及金石之文雖流離轉徙常以自隨其人與陸耀通同時且同遊關輔耀適生平推挹甚至蓋特立獨行之士云

雙白燕堂詩文集

墓碑會稽李慈銘謂爲沈博絕羣他手無能及又有遊杜子祠文亦瀟灑出塵胎息六朝得其神髓繼復肆力於曆數輿地名物之學講求典章禮儀政治之要思有所表現於世涉獵既廣撰述益富平居於世俗絕無所嗜特善深沈之思書之號鈎棘難讀者一覽無不通曉研究諸史曆志因撰三統術衍補一卷又著割圓連比例數圖解三卷斜弧三邊求角補術一卷堆垛求積術一卷道光三年卒年三十三其兄基誠取已成曆算稿五種附以水經注圖說殘稿四卷文甲集二卷乙集二卷蘭石詞一卷刊行之陽湖李兆洛曰嘉慶辛未歲余宰鳳臺祐誠與其師陸君劭文赴陝西途出鳳臺止之宿因留旬餘是歲余始識祐誠年纔二十有一耳是爲祐誠入秦之始今咸寧縣志祐誠與陸耀通所修也

清史本

續陝西通志稿卷八十五人物十二

十一

張澍字介侯甘肅武威縣人嘉慶戊午中陝西鄉試舉人已未成進士改翰林院庶吉士時年甫十九博聞麗藻見者稱異散館授知縣選貴州玉屏縣官數年引疾歸復選四川屏山攝興文旋丁父憂服闋令江西永新署臨江通判補瀘谿再以憂去遂不出僑居陝西殫心著述同時講漢學者武進臧輔高郵王引之棲霞郝懿行所著書皆校正其訛誤自著詩尙小序翼說文引經考證亦蒐採極博其論文不分偶散振筆直書輒十數紙又性愛遠遊齊魯豫管吳越楚粵嘗再三至黔蜀江右爲筮仕之邦凡所涉歷山川助其興自定詩集二十六卷文集三十六卷深雄雅健時罕儷者晚歲銳心文獻纂五涼舊聞四十卷輯關隴作者著述凡數十種籍非鄉邦而其書闕佚者亦必摭摭爲二酉堂叢書若干卷又著三古人苑續黔書秦音蜀典姓氏五書尤爲絕學子五延壽早

卒次振鈞不疑去疾長卿孫三南仲南季南金道光丁未五月病沒於西安城中和樂巷

蔣湖南字子瀟河南固始縣人道光乙酉科拔貢乙未舉人治經宗許鄭旁通象緯曆律之術與夫輿地水利農田諸說還河南廣城縣教諭未赴久遊關中營主同州豐登書院講席柏禮西景偉彭齡等皆執經問道稱高足弟子所纂同州府留壩廳涇陽咸陽縣四志考證詳駁叙次有法他郡縣志不及也嘗謂河被淮攻下流益爲害必改而東流然後治河治淮兩俱無患時服其遠見尤工詩古文詞古香古色關前人未開之境學者咸推重之著有十四經日記三十卷陝西通省志畧二十卷七經樓文鈔六卷春暉閣詩鈔四卷讀書日記十六卷讀道藏日記四卷讀釋藏日記四卷黃教源流四卷雜記小品二卷又蔣氏學算記八卷江西水道續陝西通志稿

卷八十五 人物十二

十一

攷五卷游藝錄一卷湖南客遊三十年在途在館未嘗一日廢書每盡一卷輒記以一籤積久遂多往往散佚客江西日始出行笥所存者就正於石屏朱矍矍爲飭付寫官除十四經日記外凡諸子百家之論各按年月排次定名曰讀書日記即上列十六卷者也後又自刪其所論未當與前人之說暗合而當時不知者重定爲十卷大概皆條析源流以辨其失論儒術以通天地人爲主師資儒道蓋本阮文達公國史儒林傳序而推擴其說論醫術以中氣爲主扶陽抑陰蓋本黃坤載四聖心源而推擴其說其他亦多精確之辨柏禮西云湖南卒於同州講舍臨歿時以未刊各稿付景偉回紇之亂景偉臥病賊猝至家人負之以逃室燬於火遺稿燼焉今存者詩文集及諸府廳縣志而已

清史文苑本傳及同州府志西

顧壽楨字祖香浙江會稽縣人父醇慶自有傳壽楨隨宦陝西蚤

有文譽中咸豐乙未順天鄉試舉人及禮闈報罷而醇慶遽卒時蘇杭亂亟歸葬不得門人鄂縣張源澈以鄂有稻田竹園類南方風景商諸壽楨奉母居焉乃葬父於鄂之東北鄉坡頭村邑人因源澈納交於門問業無虛日同治元年兵事起邑令延源澈爲紳董長以壽楨爲副遂盡發篋中書籌議戰守募集鄉勇數百人招練戶技師督飭訓練悉壽楨主之營署有廢鐵器莫識何用壽楨審爲巨礮其容積雖淺而口徑甚大乃拂拭置城上又訪得良冶自吳楚軍中歸者能製大礮鎗名曰長龍造成多具并訪古制造木礮環列雉堞嚴守待賊十二月二十日壽楨方入山督民據險築礮道謀報川匪大至壽楨從間道疾馳抵縣次日又報回匪來攻城當是時川匪爲曹倍時未久留而回匪則欲爲其黨賈七復仇攻甚急力卻之明年元旦賊復大至城上諸礮俱發傷賊無算

續陝西通志稿

卷八十五 人物十二

十二

勇弁王寬王百勝以長龍擊斃賊目孫元帥賊衆潰退壽楨知賊有畏心謂可戰而後可守三月初四日遣邑紳都司袁榮貴守備薛定邦誘賊至西郊大燬之賊始遠遁會源澈染疫卒壽楨亦病又連遭母及弟喪哀頓不能任事幸守禦有方諸紳盡力城賴以安是年回匪漸平西安府知府呂儒孫延壽楨主記室三年劉蓉來撫陝耳其名復辟入幕府十月病卒山陰萬方煦謂壽楨幼秉粹質孜孜搜討溯騷根詩既長以文雄咀六朝之華挾兩京之離通州李嘉績謂其論事通達摛辭騷雅數十年中罕有其匹洵確論也著有孟簪齋文四卷詩一卷周列士傳一卷卒後其弟家相爲撰孟簪齋年譜一卷附刻集中壽楨無子以家相子迪光爲後迪光中光緒壬寅順天鄉試副榜官法部主事

清史文苑本傳及同州府志西

張官德字次功湖北武昌縣人年十六見劉宗周人譜類記惺然曰學也者學爲人也於是發憤攻苦凡旦晝所爲必記之以自考驗母徐氏疾官德侍湯藥衣不解帶者數月及卒哭泣無時以迄終喪補弟子員從麻城袁鏡遊沈潛經義益有心得中道光乙酉科舉人未幾避口寇之陝西與安主講安康興賢書院教人以朱子小學近思錄爲主學者從之日衆同治元年賊陷興安乃歸晚年尤好易未嘗釋手著有周易集注六卷學易門徑一卷年七十卒

八卒

湖北通志卷八十五

王家璧字孝鳳湖北武昌縣人道光甲辰進士授兵部主事咸豐初口匪犯湖北家璧爲雷以誠畫江防要策以誠奏上之丁母憂歸率鄉里集資餉軍胡林翼曾國藩咸倚重之先後保至郎中同治初從國藩軍安徽多所贊畫用薦以五品京堂候補尋佐左宗

續陝西通志稿

卷八十五

人物十二

十三

十三

棠軍辦理直隸南皮東光寧津慶雲諸縣團練復隨入秦以勞擢四品京堂主講關中書院者三年以實學提倡後進一時士習爲之不變其示諸生有聯云不看破義利關何須講學要認識忠孝字纔是讀書尋授太常寺少卿轉大理寺少卿同治之季家璧仍在關中疏劾提督劉銘傳軍伍多虛性情驕蹇銘傳旋奉嚴飭罷去御史吳可讀劾提督成祿被議家璧奏其措詞激切出於忠憤又疏舉立功後退處諸臣曾國荃蔣益澧楊岳斌等光緒元年與議海防事家璧言制敵以人不以器兼用西法無專恃西法水雷三層兵輪鐵甲蚊子諸船舉無事購造以杜浮冒之門而留急需之餉第就我能辦之礮臺輪船洋槍洋礮參以常用船礮勤加訓練且敵所畏者民心我之所恃者亦民心機器淫巧慮非計之得者轉順天府丞調奉天府丞兼學政坐事降級俄補鴻臚寺少卿

轉光祿卿疏言聖學以正心誠意爲本此言雖簡其施甚大年七十卒家璧性至孝父芝爲人構陷戍雲南家璧誓年率衣請隨行父不許誓雪父冤釋褐後兩次裹糧省親萬里之外後赦歸奉養愈篤著有獨雲行館詩文周易集註洪範通易說老子南華經注及奏議若干卷

湖北通志卷八十五

萬方煦原名庭範字伯舒一字對樵浙江山陰縣人讀書目數行下年十三諸經畢誦泛覽子史不斤斤於章句少即究心經世之學隨父仕黔道遠不克歸試遂治申韓暇則肆力於古咸豐六年避黔亂來秦陟蜀道秦棧飽挹山川奇氣爲文雄偉詩則導源六經至其論時事陳利害辨得失燭照數計無遺策因時制宜皆可致之實用出與俊彥遊業益進同治五年客華下其冬捻匪入關官軍追之侵晨大雪方煦蹙然曰我軍冒風雪輕進滄瀾間叢蕭

續陝西通志稿

卷八十五

人物十二

十四

十四

革賊若設伏以廢我軍危矣欲飛書以諭或止之明日果報軍覆事繼母陳至孝母患痺痿艱於行爲作椅附輪負母坐躬自推挽諸孫環挾承歡兩弟官吳豫音問少疏輒中夜不寐遊秦二十川交其賢士大夫相與講治道論文字無虛日光緒六年二月母卒越九日方煦號踊以歿蓋以身殉矣年五十有八著有豫齋詩文集行世弟同倫原名庭珩字仲桓一字奇漁少與兄齊名工詩古文詞謹嚴有法駢文根柢六朝庸庸僞逸不作唐以後語詩苦心鎔冶善篆隸草書直逼漢人一時作者莫及客方鼎錄王思沂林壽圖馮譽驥幕中與顧壽楨謝維藩毛鳳枝趙元中方玉潤譚慶王權諸人友善皆一時之俊切劇文字遊談無間同治初元花門肇亂同倫方在同州方鼎錄幕畫防禦策屢出奇計危城賴以

全郡人至今頌之尋以蘇尹次淮上光緒十一年浮漢入江黃彭年時爲鄂臬留之不獲遂去之揚州轉運使倚如左右手越五年謝病還秦館臬署未久卒年六十同倫貧館穀悉贖家性好典籍見善本雖稱貨必購藏書累萬卷以爲樂著有補註此齋文存一卷詩存二卷

先生年譜山陰高伯舒文抄

譚摩字西屏安徽旌德縣人少從其鄉人文光漢戴鈞衡學文戴皆桐城方東樹入室弟子著書各數十萬言摩得其傳爲文有逸氣人亦豪邁不羈入陝值寇亂嘗領軍於郿坊之交著有重修郿州關帝廟及鐘樓記辭皆曼曼獨造旋釋兵柄旅陝垣與諸名士顧壽植萬方煦輩爲文字交詩歌唱答聲聞益廣壽植入巡撫劉蓉幕中病篤薦摩自代摩集中有送劉撫還湘鄉序曰公之去秦秦人惜之摩實爲公幸以侍公久故序公生平以送公之行可徵續陝西通志稿卷八十五人物十二

十五

摩居戎幕蓋有年矣光緒初元李慎善聯先後任督糧道俸入較優招延才俊爲提倡風雅之舉摩時居關中遂倡立青門萍社以摩爲之首和之者萬伯舒方煦毛子林鳳枝子靜鳳清謝寶林咸風秦子衡毓麟劉夢惺開第王心如權彭占愈洵席星府裕駒趙乾生元中李雲生嘉續及其後樊樊山增祥方友石玉潤劉春谷暉輩亦俱入焉當是時詩酒文藝稱極盛而講學論政亦於是乎出大抵關隴近數十載吏治文風其流派殆不出是社摩之提倡蓋個乎遠矣嘗佐樊樊山幕於渭南又從之富平今富平縣志即摩手輯而樊山爲之潤色者庚子月以疾卒樊山及雲生皆有詩哭之蓋惜風雅之道熄而老成之云亡也著有勵志軒文鈔二卷詩鈔二卷子一曰鐔亦工書而類放不振同時有王壽光者字子宣江蘇華亭縣人歲貢生工詩文善書法亦精鐵筆咸豐初遊

秦主陝西撫署文牘性耽黃老不事酬酢以筆墨自娛隱居陋巷蕭然自得不應辟命晚年自號留青老人尋卒壽光爲寓公於關西者垂四十年與譚磨交最久方玉潤李嘉績諸人亦皆相善其文稿多散佚晚餘詩草一冊復爲陝藩張岳年索去今存者隸楷數頁而已子執禮人亦開敏築室城南極花木竹石之勝論者謂饒有父風云

堂詩志軒文集及採訪冊

嚴玉森字汝成一字鹿溪江蘇儀徵縣人父恩歷任陝西耀州長安等邑有能名玉森幼聰慧負神童之目弱冠入京師文學大起中同治癸酉科順天鄉試舉人入賞爲戶部主事吳縣潘祖蔭淮縣王懿榮豐潤張京卿佩綸會稽李侍御慈銘皆折節與交東洋人慕其詩得其尺幅珍若拱璧有某大僚者聞玉森學行風令應軍機試竟不赴蓋玉森持品嚴於仕途素不肯輕進也返秦後歷續陝西通志稿卷八十五人物十二

十六

主高陵監屋鳳翔各書院講席其教士以朱子小學爲先訓授以五子近思錄其論文則取李善注文選及姚氏所輯古文辭類纂之類蓋先器識而後文藝也工書法幽峭超拔蓋從北魏諸碑入唐以後不屑屑也性至孝晚年丁母憂哀毀柴立遂卒居陝數十年悅同州風土之美因家焉葬大荔城外南鄉無子以姪肇徵嗣初玉森旅陝時恩施樊樊山增祥通州李雲生嘉績興化顧耳山驟皆寶禮之與相唱和歿後樊山爲刻其詩曰鹿溪集肇徵官陝西歷膺繁劇有治聲次姪曰偉字覺之亦能文士也

關中同官及鹿溪詩文集

鄧邦靖字子嘉安徽宿松縣人其父兆璣以延長典史殉逆回之難者也幼有逸才讀書入目即知大意學爲詩出語驚其長老性豪宕自喜時關中無事上下安熙邦靖一日語其父曰亂形已成

盡棄官爲避地計乎其父呵之曰小子妄言亂何由見果亂又安所逃未幾而回難作城果陷邦靖負其母匿民舍乘間脫去賊退潛至城內覓父骨繼詢知延長民已殞之士室遂奉母至西安折節讀書悲憤慷慨一寄之於詩詩益進顧貧甚習申韓之學頗著名譽忽自咎曰此術稍不精必殺人吾豈能以人命易升斗哉去爲書記秦中守令爭延致之而昔之豪宕者一變而爲孤介遇不可意者雖終日相對不交一語片言契合則娓娓不倦人亦以是畏而疎之母卒遂遷其父骨合葬西安城南當是時山陰萬方煦以申韓之學名關中詩古文尤爲識者所推重邦靖從之遊罄其祕奧懷遠宮爾鐸權守西安延邦靖佐治相聚者十有八月每遇一疑獄必推究其微暇則飲酒賦詩爲笑樂體羸善病三娶尙無子每以爲憂爾鐸慰之曰君忠烈之後何慮是哉旋入興安府幕

續陝西通志稿

卷八十五

人物十二

十七

不二歲卒於金州年纔三十有二無子一女邦靖旅秦二十餘年所爲詩晚益沈摯顧不自收拾友人爲鈔存若干篇亦未刊行云

無事

屠仁守字梅君湖北孝感縣人中咸豐己未科舉人同治甲戌成

進士選庶吉士散館授編修補江南道監察御史封章數十上最

著者有請修政治以答天變停報効以存政體及謹溯舊章直據

管見三疏最後一疏觸孝欽太后怒幾不測以救者得免遂有革

職永不叙用之旨蓋仁守以謂太后雖名歸政而左右僉主譏構

未已慮及宮廷以扞格多故因請東朝援乾隆例仍行訓政遂奉

懿旨有天下後世視予爲何如人之諭而孰知其後兩宮爭端仁

守彼時早有灼見雖得嚴處不可謂國無人也使早用其言何至

有甲午之敗戊戌之變庚子之亂哉仁守自是直聲震天下去官

後主講山西令德書院凡八年士風爲之一變二十六年拳匪變起蔓延山西仁守投書當道力言拳匪斷不足恃外憂不宜輕開頗遭督撫毓賢忌幾罹於禍遂入秦而端方撫陝夙欽仁守風節聘主宏道書院講席未幾兩宮西狩有旨以五品京堂起用補光祿寺少卿尋經陝撫升允奏留陝西辦大學堂手訂課程設爲四科一曰政治法律科二曰兵法輿地科三曰農務工藝科四曰算術方言科遠法蘇湖近採泰西其教人宗旨斷無悖於古訓而一以經世致用爲主時部定學堂章程未出所擬課程及教授之法已隱相照合門下多所造就人材輩出光緒二十八年卒於西安旅邸年七十子四義肅官陝能以學世其家

陝西通志稿

卷八十五

人物十二

十八

顧家相字輔卿浙江會稽縣人父淳慶官陝有年家相卽生於秦

續陝西通志稿

卷八十五

人物十二

十八

十二歲而父母俱沒兄壽楨亦以瘵卒隨其嫂趙氏家於鄂同治

戊辰其嫂復亡家相孤弱數瀕於死依姊婿章氏於太原其墳墓

房舍故在鄂也中光緒乙亥順天鄉試舉人丙子成進士以卽用

知縣分江西任萍鄉縣知縣加同知銜尋改官河南歷署歸德彰

德知府以病告歸陝西卜居省垣藏書甚富居數載應浙江通志

局之聘南返杭未幾病卒子燮光迪光著有勸堂文集八卷詩集

一卷萍鄉鐵路公牘六卷家相習經史學亦精考據所作康有爲

新學僞經考書後一篇其言甚辨文多不載

施行緒字裕堂江蘇金匱縣人生而穎悟讀書輒成誦性至孝事

親以謹篤聞年十五六父督課嚴令日點史鑑數頁句讀偶誤呵

責交至衍緒屏息受教旋卜宅青門專習舉業工小題藝應關中

試屢冠其曹前陝甘總督陶模時敷政陝右閱所爲文每加獎拔

移節蘭州遂延置幕中兼爲其諸孫課讀學業益遂復與宦遊皋
蘭諸名士若陶葆廉王樹枏何善孫趙長鑑朝夕過從講求時務
經濟之學遊談倡和相得益彰久之中光緒辛卯科副車就職直
隸州州判尋以事還陝捐知縣幫辦西安電報局事務庚子拳匪
釀亂兩宮西狩於是中原倣僞關輔震驚又值秦晉大饑流亡塞
路西北一隅有汲汲不能終日之慮衍緒是時適接充電局總辦
外交緊迫警報頻聞舉凡和約軍旅災賑挽輸以翠華幸秦故千
里咨諏百端問難無不藉電局爲交通總樞司其事者至於目不
交睫日不遑食奔走探訪承轉接送甚且機速事宜默通關鍵卒
卒無須臾之閒蓋衍緒自居陝以來其勤盡職事實於措置電務
見生平幹略之大端焉會賑事竣用異其出力保免補知縣本班
以直隸州知州仍留陝西補用時前兩江總督端方前兩廣總督
續陝西通志稿

卷八十五 人物十二

十九

岑春煊先後撫陝多以事試之凡所指授靡弗治辦而恩施樊方
伯增祥方陳泉陝西充政務處提調見衍緒勾管電局消息靈密
又喜其文學超軼流俗及再開藩陝西集才俊修政事因委衍緒
充課吏館分校手批口答啟發懇至與館中人士時從藩垣北臺
之譙從容議及時政謂西北據天下上游籌措交通殆不可緩樊
布政領之於是有創開西潼鐵路以維西陲全局之舉同館諸人
均檄任議員承命分草開辦公司章程衍緒獨以白話演說自任
窮精殫思越十餘日成報告一千八百餘言明晰懇切至述及五
洲聯合利權九字貫通大效尤娓娓動聽既而有檄解電局事務
衍緒遂動南涉江淮北馳燕趙之思徒以旅秦二十餘年安土重
遷不無睠戀正徬徨間忽有特旨獎行在措辦電務之勞命以知
府擢用詔下未久故交多易其捫攜北上者而衍緒病已不可爲

矣光緒三十三年十二月竟以疾卒於陝垣旅邸年四十有一妻
朱氏有賢行習書史能以內治佐衍緒無子遺囑以內弟朱寶潤
次子承祧蓋衍緒沒時其母夏太恭人猶在堂也衍緒生平嗜學
及樊山獎勗之益感奮致力取所藏經史百家之書日夕瀏覽復
增置掌故時務諸編精切搜討不遺餘力客來談者語及西學源
流外邦法制參稽互證雖更深無倦容尤奇者將撤瑟前一二時
用密行細字仰而書遺囑二十三紙區畫家計條理井然至死而
神明不亂洵天授資矣

行全 錄 附 本 子

王大璋字仲珊山東濟寧州人少聰慧讀書過目成誦性抗爽志
趣高遠力學弗懈屢赴秋試未售遂棄舉業習中韓學歷膺江蘇
高郵鹽城阜寧諸邑之聘遇案細意審覈伸雪者不可枚舉會密
縣張汝梅授陝西布政使延大璋來陝待以上賓繼聘主善後局
續陝西通志稿

卷八十五 人物十二

二十一

錢席凡差徭雜捐等項章程規則皆經釐訂歷任藩司均倚畀焉
庚子大侵兼主賑局捐輸之任案牘盈尺勾稽詳密一無貽誤數
與當事言謂目下賑糧賑款絡繹而來惟轉運艱難深虞緩不濟
急必須速籌運輸之法或派督運員於商維或設車馬局於潼津
或令本邑撥民夫負致或抽防營兵丁陸續代轉急所先務期於
早一日糧石速到即早一日救濟無數災民是冬上游采其說設
局潼關專辦糧運而商州龍駒寨山陽甲河關俱派督催轉運之
員推其始皆大璋開之也自乙未至甲辰兩入藩幕三入善後局
疊辦奏銷之案出入動以百數十萬計而款目分明綱條並舉論
者謂陝右數十年來主管錢穀簿籍操之有要舉之若輕者惟大
璋無忝斯二語云大璋氣清神朗夙嫻政治言論動人曾援例捐
鹽運副分發浙江迄未到省平日以管弦棋酒自娛一時名流達

官樂與交遊遇有疑問片言立決故其旅寓座客常滿文酒飲譚稱盛當時乙巳春卒於省垣妻廖氏江蘇華亭縣人於大璋卒日仰藥以殉巡撫曹鴻勛為奏允旌表焉

張紹元字愚生安徽懷寧縣人父仕達官陝西鎮安縣典史薦升知縣兼襲雲騎尉世職紹元生二歲仕達即教之識字七歲為延師授讀踰冠猶不令輟學就塾師者十五年旋從歷城林元卿遊得識為學正軌元卿任洵陽安康兩邑紹元負笈隨行凡立身行政處世治家之道皆既聞焉嘗為紹元講厚德載物與富貴貧賤不以其道得之不處不去之義反復暢論又授以今日遵行之法紹元遂益恍然開悟堅反身求學之志後又尊事巴陵嚴章炳學行日進居陝數十年交遊日廣汲汲於求師資修學業光緒辛卯又執贊於三原賀貢生瑞麟之門天德王道備聆緒論遂得關學續陝西通志稿卷八十五人物十二

之傳會岑春煊巡撫陝西聞其名聘入幕中議賑參戎多所匡補春煊後督兩廣紹元與偕嘗委署廣西羅城縣知縣接襲雲騎尉世職無何仍返關中與太常寺卿甯河高庶恩曠亭相識庶恩數稱之為撰其祖母巫氏家傳其母李氏辛苦持家歷經艱險年四十而沒紹元狀其遺事作德行記政變後卒於西安年六十八子

三宗德宗健宗端

字子林別號蟬叟江蘇甘泉縣人前陝西候補知府西安

清軍同知瀚之次子生有殊秉早歲嗜讀書雖宦裔無紆紆氣日惟沈淫典籍與諸文士交遊於經史輿地金石攷據經濟詞章之學靡不深窺以能文名當時口口之亂奉父命從戎淮南轉戰江皖間磨墨盾頭飛書檄軍中甚得其助時勦辦三河尖諸賊大軍連營十餘里公事往返雖泥深沒踝冒雨挂刀昏夜徒步弗為

苦軍事失利城陷及及頸裘領格弗入獲免倉皇離所歸將自溺民人被去有時為敵擄匿姓名喬作商傭書自全敵去隱身民間踪其帥所在乃復歸屢遇險得脫說者謂為天相父疾召歸秦侍湯藥唯謹及卒營喪葬甚備如禮母何恭人有恙割骨肉進讀禮之暇益縱覽碑帖搜羅頗富藏書尤夥治生而外手不釋卷生平抱匡世志在軍因勞叙知州摯友咸促出山釀貲助引見費而鳳枝淡仕進念家難卒不果首以資為父清釐交代昆季八人弟鳳鳴長文學困場屋寄居高郵親串家鬱鬱資志沒著有虎螭廳隨筆身後孀孤失所託命八弟鳳揚資接來陝以養以教兒女婚嫁一身肩之既姪昌傑著陝籍中丁酉舉人舉經濟特科官湖北知縣今有三子七孫門庭稱盛清光緒丙子丁丑陝中大饑戚舊備僕無依者多來就食雖至困仍極力分贍之入官貧固早罄越歲續陝西通志稿卷八十五人物十二

久長兄鳳德官河東鹽務差次耀州病逝復迎眷歸風清亦久客長安向異居及歿無子招妻女合於是一門暨男女傭凡數十人本支妻子媳各一而已始終筆耕自給漠然榮利初館兩首邑繼為西安郡幕最久而糧儲而布政而撫軍文曹掾首歷見稱當道倚重地方利弊與革頗有參畫不競功不立名惟布衣自居館穀向微薄性素介食指既眾家常壁立處之晏如酷嗜酒恒文酒自娛晚年著述為樂所著寓意於物齋詩文集三卷陝西南山谷口考一卷梓行已久關中金石文字存逸攷十二卷門人會稽顧家相刊於江西關中金石文字古逸攷二卷古存攷一卷四部提綱季漢忠烈贊滕王閣詩叙注解各一卷汲古閣兩漢書校勘記二卷寓意於物齋隨筆三卷詩文續編二卷均尚未付剞劂漢書地理志通鑑地理今釋兩書未及成卒於光緒乙未二月年六十

有一子昌年亦著陝籍補咸甯縣學廩膳生官山西候補府經歷充武備學堂教員後充兩廣學務處文案廣西財政科員並爲主事者器重少年時與從兄昌傑同有聲庠序蓋昌傑治訓詰昌年嗜詩賦攷訂詞章各得其一體云

毛鳳清字子靜號壽蘇鳳枝第五弟幼聰慧從母何恭人學詩恭人山西靈石何道生女也故詩格雅近雙藤書屋少長從兄學制舉業兼治經史詞章關中書院外籍生徒例得附試每試輒列前茅貴筑黃按察彭年爲院長亟賞之兩試京兆不利援例以光祿寺署正注選歷充郡縣書記居鳳翔知府長白定祥幕八年賓主相得甚歡平生篤好金石學與吳縣潘鄭蘆吳恒軒福山王廉生諸公攷訂文字書札往還無虛月善小篆以泰山琅琊刻石爲師古籀書岐陽獵鼓外一取之彝器打本以博古攷古甯西清諸續陝西通志稿卷八十五人物十二二十三

書不盡可據也享年不永無子所作盡散佚現存稿本祇金文札

記北征草二卷而已

編纂江寧吳廷錫

續陝西通志稿卷八十六

人物十三

孝義一

李大治孝義廩人原籍湖北宜城乾隆中遷廬西性剛好勇抑強扶弱人稱爲李公道嘉慶初土匪李克全等嘯聚擄掠遠近受害賊衆憑險固守官兵圍攻不克統兵者聞大治名令率衆攻之破其寨擒克全賞五品頂戴留營効用因父病假歸昕夕侍奉數年不倦父歿廬墓三年有司旌其門舉鄉飲耆賓

余國才孝義廩人乾隆中由湖北黃岡遷廬北務農爲業勤儉起家嘉慶初教匪擾亂國才出家財練鄉勇保守一方賊近則防堵遠則耕種又捐修洞寨俾難民棲止當事獎以軍功固辭不受曰無作官之志亦無其才後賊潰散官兵搜捕餘黨日誅數十人國才察其脅從無辜者懇求大帥釋之並請給路票歸家多至八百餘人聽舊無學校十九年國才首倡客籍學校捐貲最鉅年八十有二卒子躍先武生篤於義行收租置斗小於市斗一升半家傳不改道光八年捐建社倉春借秋收貧民賴之

方怡哲孝義廩人性至孝沈靜寡言教匪之亂怡哲侍繼母病親視湯藥不避刀兵賊亦感歎不忍殺害母病尋愈

余克明孝義廩人事母至孝侍奉不倦母歿構廬守墓三年鄉里稱之

稱之

陳厚普孝義廩人侍祖母病割股肉和湯以進病稍減後復作又割股烹進之遂大愈

陳延湘孝義廩人嫡母患牙痛困苦非常瀕死者屢延湘割股肉和雞子湯以進後竟全愈